

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Broj: 01-04-596/25-AP-9
Datum: 25.03.2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 03-04-2025			
Org. jed.	Kl. ozn.	Rad. broj	Š. prijava
02	04	710/25	

**GRADONAČELNICA
ZAVIDOVIĆI**

PREDMET: Vijećnička pitanja i inicijative sa 5. sjednice Gradskog vijeća održane, dana 25.03.2025. godine, dostavljaju se.

Na osnovu člana 167. stav (1) i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 5. sjednici Gradskog vijeća održanoj, dana 25.03.2025. godine:

- Inicijativa vijećnika Harisa Hodžića – Inicijativa za za dodjelu naziva ulice ili dijela ulice prvoj žrtvi agresije na Zavidoviće - Mustatić Jusufu.
- Inicijativa vijećnika Elvedina Huskića – Inicijativa za inicijativu za raspodjelu prihoda prikupljenih po osnovu koncesionih naknada.
- Inicijativa vijećnika Omera Ćosića - Inicijativa za utvrđivanje javnog interesa za izgradnju pješačkog trotoara u ulici Jusufa Polića Ribara dužine cca 1 km.
- Inicijativa vijećnika Sanela Jalmanovića - Inicijativa za izgradnju proširenja za autobuse u ulici 35.divizije.
- Inicijativa vijećnika Admira Fojnice (1) - Inicijativa za pokretanje aktivnosti uz Regionalnu cestu u prostoru između dva skretanja prema naseljenom mjestu Dolovi.
- Inicijativa vijećnika Admira Fojnice (2) - Inicijativu za saniranje, asfaltiranje lokalnog puta prema naseljenom mjestu Potklečje.
- Inicijativa vijećnika Rijada Fejzić - Inicijativa za izgradnju puta od naseljenog mjesta Čumurane do Alića na području MZ Dolina-Alići.
- Inicijativa vijećnika Zahid Avdičević - Inicijativa za završetak projekta asfaltiranja lokalne ceste Donji Vikovići - Donji Mustajbašići u dužini od 550 m.
- Inicijativa vijećnika Demir Buljubašić – Inicijativu za inicijativom za zamjenu krova na zgradi organa uprave.
- Inicijativa vijećnice Amire Hadžić – Inicijativa da se u Ulici „Stjepana Radića“, u neposrednoj blizini Čaršijske džamije, na mjestu gdje se nalaze uspornici, umjesto istih postavi grbina tzv. ležeći policajac, te da se na uglu objekta džamije zabrani parkiranje vozila, kako bi vozila nesmetano mogla vršiti skretanje udesno u dijelu ulice koji vodi prema prema kapiji Čaršijske džamije, poslovnom prostoru postojeće knjižare-kopimice i dalje prema stambenima objektima.
- Vijećničko pitanje vijećnika Igor Šimšić (1), (2) i (3);
- Vijećničko pitanje vijećnika Admir Fojnica;
- Vijećničko pitanje vijećnice Amre Jupić;
- Vijećničko pitanje vijećnika Amer Avdičević (1), (2) i (3);

- Vijećničko pitanje vijećnika Demir Buljubašić (1) i (2);
- Vijećničko pitanje vijećnice Amire Hadžić.

Odgovore na postavljena vijećnička pitanja i inicijative potrebno je dostaviti predsjedavajućoj Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.

PRILOG: Vijećnička pitanja i inicijative sa 5. sjednice Vijeća održane dana 25.03.2025. god.

DOSTAVLJENO:

1. Naslovu,
2. U spis.

PREDSJEDAVAJUĆA
GRADSKOG VIJEĆA

Amira dr Hadžić, spec. radiolog



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Broj: 01-04-596/25-AP-9
Datum: 25.03.2025. godine

PREDMET: Vijećnička pitanja i inicijative sa 5. sjednice Gradskog vijeća održane, dana 25.03.2025. godine, dostavljaju se.

Na osnovu člana 167. stav (1) i člana 171. i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 5. sjednici Gradskog vijeća održanoj, dana 25.03.2025. godine:

Haris Hodžić

PREDMET: Vijećnička inicijativa

„Poštovani,

na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim **INICIJATIVU** za dodjelu naziva ulice ili dijela ulice prvoj žrtvi agresije na Zavidoviće - Mustafić Jusufu.

OBRAZLOŽENJEM kako slijedi:

61P4

Prva žrtva agresora na području Grada Zavidovići pala je na koti 715 Podsijelovo 18. maja 1992. godine.

Tog 18. maja 1992. godine, u jedan sat iza ponoći, desio se agresorski napad na brdu Podsijelovo, pri čemu je agresorska jedinica, koja je bila u izviđanju, napala stražarske položaje mještana Hajderovićkih naseljenih mjesta koji su čuvali stražu upravo zbog očekivanih napada.

U tom napadu ubijen je Mustafić (Naila) Jusuf iz naseljenog mjesta Kljenik(Hajderovići) koji je bio na stražarskom mjestu, a ubijen je kukavički iz zasjede od strane agresorski izviđača.

Kako do danas nema ni jednog spomen obilježja na području Zavidovića da podsjeća na prvu žrtvu agresije na naš grad, smatram da je najmanje što trenutno možemo učiniti jeste da jednu ulicu ili dio ulice nazovemo po Mustafić Jusufu, prvoj žrtvi agresije na Grad Zavidovići.

Za realizaciju ove inicijative nisu potrebna finansijska sredstva.“

Igor Šimšić

PREDMET: Vijećnička pitanja

Vijećničko pitanje br.1

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje i zahtjevam detaljna pojašnjenja u vezi sa korištenjem dijela javne parking površine od strane zaposlenika organa Uprave PL1A
Grada Zavidovići.

Obrazloženje vijećničkog pitanja:

Obrazloženje vijećničkog pitanja:

U avgustu mjesecu 2023.godine, usvojena je Inicijativa Kluba vijećnika SDP BiH u GV Zavidovići i Odluka o hitnoj izradi Programa uređenja građevinskog zemljišta. Inicijativa je delegirana i zahtjevala hitnost postupanja, uzimajući u obzir činjenicu da Program uređenja građevinskog zemljišta kao dokument obavezan iz zakonskih odredbi, u našoj lokalnoj zajednici uopšte ne postoji.

Obzirom da je odredbom člana 58.stav (2) i (3) Zakona o prostornom uređenju i građenju (Službene novine Zeničko-dobojskog kantona, broj: 1/14 i 4/16) propisano da program uređenja građevinskog zemljišta usvaja Gradsko vijeće na prijedlog Gradonačelnika/ce, a da Program uređenja zemljišta priprema i provodi nadležna gradska služba, postavljam vijećničko pitanje statusa ovog akta. Više od 19 mjeseci, jedan od ključnih i važnih dokumenata prostorno-planske i građevinske dokumentacije nije pripremljen, niti je delegiran od strane nadležnih autoriteta na raspravu i usvajanje Gradskom vijeću. Uz dodatna pojašnjenja, zašto se nije ova obaveza odradila, ko je odgovoran i kada možemo konačno očekivati ovaj dokument pred gradskim vijećnicima?

Zahtjevam hitnu intervenciju kako bismo preduprijedili neželjene posljedice, ali i kako bismo konačno obezbijedili legalnost provođenja postupaka po ovoj problematici, na što nas obavezuju zakonske norme.

Pitanja se upućuju Gradonačelnici i nadležnim gradskim službama, uz očekivanje tačnih i jasnih odgovora.

S poštovanjem,“

Elvedin Huskić

PREDMET: Vijećnička inicijativa

„Na osnovu člana 109. Poslovnika o radu Gradskog vijeća Zavidovići, a u ime Kluba vijećnika Stranke demokratske akcije, Gradskom vijeću Zavidovići podnosim inicijativu za raspodjelu prihoda prikupljenih po osnovu koncesionih naknada.

Obrazloženje vijećničke inicijative:

Odlukom Vlade Zeničko-dobojskog kantona o načinu rasporeda i korištenja finansijskih sredstava prikupljenih po osnovu kontinuirane jednokratne naknade od koncesija, utvrđena je i raspodjela sredstava između kantona i općina u omjeru 70% općini na čijoj se teritoriji obavlja koncesiona djelatnost i 30% kantonu.

Obzirom da je prijedlogom Budžeta Grada Zavidovići za 2025. godinu planiran prihod od davanja prava na eksploataciju prirodnih resursa-koncesiona naknada u iznosu os 230.000, 00 KM, predmetnom inicijativom predlažem da se svi prikupljeni prihodi raspodijele na način da se u omjeru 50% prihoda vrati direktno Mjesnoj zajednici na kojoj je prihod prikupljen, a preostalih 50 % bi ostao prihod Grada Zavidovići.

Prihod koji Mjesna zajednica dobije po ovom osnovu utrošio bi se kroz realizaciju određenih infrastrukturnih i drugih projekata na Mjesnoj zajednici.

Poznato nam je da se koncesiona naknada na području našeg grada prikupi po osnovu eksploatacije kamena i vode te da se eksploatacija izvrši na području Mjesnih zajednica Ribnica i Gostović. Takođe je opće poznato da sama eksploatacija posebno kamena navedenim mjesnim područjima stvara konstantne probleme u vidu zagađenja životnog prostora, opasnost od korištenja minskoeksplozivnih sredstava do oštećenja putne infrastrukture, te bi navedeni povrat sredstava bio i određeni vid obeštećenja i satisfakcija za navedene Mjesne Zajednice.

Omer Ćosić

PREDMET: Vijećnička inicijativa

„U skladu sa Poslovníkom o radu Gradskog vijeća Zavidovići, član 171.a i 171.b podnosim Inicijativu za utvrđivanje javnog interesa za izgradnju pješačkog trotoara u ulici Jusufa Polića Ribara dužine cca 1 km.

Obrazloženje vijećničke inicijative:

618 Duži vremenski period postoji potreba izgradnje trotoara u Ulici Jusufa Polića Ribara, a pogotovo posljednjom kategorizacijom ulica, kojom je ovaj pravackategorisan kao regionalni put. Saobraćaj motornih vozila posljednjih godina je znatno povećan, a pogotovo teretnih motornih vozila, kao i brzina kojom se kreću, utiču i na sigurnost pješaka. Tome treba dodati da ovom dionicom saobraća kompletno stanovništvo naseljeno u slivu rijeke Gostović. Također, treba napomenuti da se u ovoj ulici nalazi mesdžid, te je frekvencija ljudi i zbog toga povećana, jer i ista spada u urbani dio grada.

Pogodnost koja ide u prilog manjoj ili nižoj cijeni realizacije ovog projekta, jeste već provedena eksproprijacija zemljišta prilikom izgradnje ovog puta. Tako da je uz samu kolovoznu traku ostalo dovoljno prostora - zemljišta da se izgradi trotoar zadovoljavajuće širine.

Zbog navedenih razloga podnosim inicijativu Gradskom vijeću za utvrđivanje javnog interesa za izgradnju ovog trotoara, te da Vijeće svojom odlukom zaduži nadležne gradske organe da u što kraćem roku realizuju ovu inicijativu.“

Sanel Jalmanović

PREDMET: Vijećnička inicijativa

„Na osnovu člana 109. Poslovnika o radu Gradskog vijeća Zavidovići, podnosim INICIJATIVU za izgradnju proširenja za autobuse u ulici 35.divizije

Obrazloženje vijećničke inicijative:

617 Ovom inicijativom želim skrenuti pažnju na ozbiljan saobraćajni problem u blizini JU „Druga osnovna škola Zavidovići, u ulici 35.divizije, a koji se odnosi na neadekvatne uslove za dolazak i odlazak autobusa koji prevoze učenike. Naime, zbog nedostatka odgovarajućeg proširenja ili stajališta, autobusi su primorani zaustavljati se na saobraćajnici.

Djeca su često primorana ulaziti i izlaziti iz autobusa na saobraćajnoj traci, što povećava rizik od saobraćajnih nesreća.

Također, zbog zadržavanja autobusa na saobraćajnici, dolazi do saobraćajnih gužvi, gdje vrlo često učesnici u saobraćaju zaobilaze autobuse na nepropisan način, čime ugrožavaju sebe i ostale učesnike u saobraćaju.

S obzirom na navedene probleme, predlažem da nadležna gradska služba pokrene proceduru za izgradnju proširenja za zaustavljanje autobusa u blizini škole, čime bi se omogućio siguran ulazak i izlazak djece, i tako smanjio rizik od nesreća.

Također, postavljanje odgovarajuće saobraćajne signalizacije i dodatnih mjera spriječilo bi mogućnost ugrožavanja učenika i učesnika u saobraćaju.

Tražim da se razmotri mogućnost dodatnih urbanističkih rješenja koja bi dugoročno unaprijedila bezbjednost saobraćaja u ovom dijelu grada.

Sigurnost djece svima nama mora biti prioritet! Ovim rješenjem ne samo da štitimo najmlađe, već i doprinosimo boljoj regulaciji saobraćaja i smanjenju rizika od nesreća.

Očekujem da se ova inicijativa uvrsti na dnevni red sjednice Gradskog vijeća te da se što prije poduzmu konkretni koraci za njenu realizaciju. S poštovanjem.“

Admir Fojnica

PREDMET: Vijećničke inicijative i pitanje

Inicijativa br.1

„Na osnovu člana 109. Poslovnika o radu Gradskog vijeća Zavidovići, podnosim Inicijativu za pokretanje aktivnosti uz Regionalnu cestu u prostoru između dva skretanja prema naseljenom mjestu Dolovi.

Obrazloženje vijećničke inicijative:

S obzirom da svakodnevno prolazi veliki broj pješaka, prije svega djece uz regionalnu cestu Zavidovići- Žepče, smatram da je potrebno što prije da se uradi trotoar od hotela Biga pa do drugog skretanja za Dolove. Svi smo upoznati da u tom dijelu imamo i romsko naselje koji prolaze tim dijelom puta, što vozačima koji dolaze iz pravca Žepča, posebno u večernjim satima, zbog vidljivosti i nepreglednosti predstavlja veliki problem. Kako bi na vrijeme reagovali, spriječili eventualne nesreće i ugrožavanje ljudskih života, tražim od gradskih službi da hitno djeluju po ovom pitanju, da upute dopis i JP Ceste FBiH kako bi se radovi na ovoj dionici puta završili u što kraćem roku.

PLM

Inicijativa br.2

Predmet: Vijećnička inicijativa

Na osnovu člana 109. Poslovnika o radu Gradskog vijeća Zavidovići, podnosim Inicijativu za saniranje, asfaltiranje lokalnog puta prema naseljenom mjestu Potklečje.

Obrazloženje vijećničke inicijative:

Glavna cesta prema naseljenom mjestu Potklečje, skretanje iznad Prve osnovne škole je jedna od prvih koja je rađena i asfaltirana na području našeg grada. Proteklih godina cesta je na nekoliko dionica pretrpjela velika oštećenja, što otežava saobraćaj, uzrokuje oštećenje na vozilima, a sami mještani su imali već nekoliko akcija kako bi sanirali nastala oštećenja, ali svakako da problem nije trajno riješen. S obzirom da se cesta često koristi i kao alternativni put u slučaju radova ili saobraćajne nesreće u ulici Zlatnih Ljiljana, smatram da je od velike važnosti da se krene u potpunu rekonstrukciju ceste prema naseljenom mjestu Potklečje, gdje su svakako i sami mještani spremni da daju svoj doprinos.

PLM

VIJEĆNIČKO PITANJE - Admir Fojnica

PREDMET: Vijećničko pitanje

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje a tiče se trenutnog statusa ulice 4. Manevarski bataljon (bivša Markovac).

Obrazloženje vijećničkog pitanja:

Ulica 4. Manevarski bataljon (Bivša Markovac) nalazi se u MZ“Asim Čamdžić“ ispod naselja Vučjak. Navedena ulica se nalazi ispod naselja Vučjak u dužini od 790m, a pitanje je u kojoj se dužini stvarno koristi, kada su u pitanju sami mještani navedene ulice.

Dio privatnih kuća, ispod te ulice, koje su dobijale građevinske dozvole za gradnju stambenih jedinica, trenutno nisu u mogućnosti da istu koriste zbog nasipanja prvobitnog nivoa ulice, nakon čega je na jednom mjestu infiltrirala u privatni posjed i u većem dijelu ne može služiti ostalim mještanima.

U prilogu dostavljam kopiju katastarskog plana i tražim odgovor u pisanoj formi.“

PLM

Rijad Fejzić

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići obraćamo Vama se inicijativom za izgradnju puta od naseljenog mjesta Čumurane do Alića na području MZ Dolina-Alići.

PLM

Obrazloženje vijećničke inicijative:

Ovom inicijativom želimo skrenuti pažnju na problem podvožnjaka ispod željezničke pruge na području MZ Dolina-Alići gdje je ugroženo skoro 200 domaćinstava.

Naime, postojeći putni pravci nisu adekvatni za saobraćaj teretnih vozila prema naseljima Alići i Dolina, što predstavlja značajan problem za stanovnike, posebno u pogledu dostave građevinskog materijala, vatrogasnih vozila, poljoprivrednih proizvoda, ogreva i drugih roba. Podvožnjaci ispod željezničke pruge nisu prilagođeni prolasku većih teretnih vozila, što dodatno otežava saobraćajnu komunikaciju i usporava razvoj naselja.

Predložena trasa puta protezala bi se od Čumurane i nastavila preko katastarskih čestica 726/3, 726/4 i 727/2 te izvršiti eksproprijaciju zemljišta na području naselja Alići kako bi se put povezao u potpunosti i time bi se omogućila kvalitetna i funkcionalna saobraćajna povezanost između MZ

Branilaca grada i MZ Dolina-Alići. Ova saobraćajnica bi značajno poboljšala kvalitetu života stanovnika, omogućila lakši pristup teretnim vozilima, te doprinijela daljnjem razvoju modernizaciji ovog dijela općine. Stoga, tražimo od nadležnih organa da poduzmu potrebne korake u cilju realizacije ovog infrastrukturnog projekta, uključujući izradu projektne dokumentacije, obezbjeđenje potrebnih finansijskih sredstava i izvođenje radova u što skorijem roku. Unaprijed zahvaljujemo na razumijevanju i podršci ovoj inicijativi, te se nadamo pozitivnom odgovoru i brzom rješavanju ovog, važnog pitanja.“

Amra Jupić

PREDMET: Vijećničko pitanje

„Tražim kao gradska vijećnica da se pripremi Informacija od strane Službe za upravu poljoprivrede, vodoprivrede i komunalnih poslova u saradnji sa JKP Radnik d.o.o. Zavidovići u kojoj će se navesti ko je odobrio JKP Radnik d.o.o. Zavidovići da i dalje koristi za odlaganje otpada zatvorenu gradsku deponiju koja je locirana u industrijskoj zoni Ekonomija Batvice čime se na najbolji način pokazuje nebriga za našu privredu. Gradska deponija je zatvorena Rješenjem Federalne inspekcije, sa tačnim zadacima i rokovima zatvaranja. I pored toga uprava preduzeća i dalje krši zabranu odlaganja smeća, pa makar to bio i kruti otpad ili šut na Gradsku deponiju. Na ovaj način se derogira kompletan Plan upravljanja i odlaganja otpada koji podrazumijeva isključivo prikupljanje i odvoz otpada sa područja Grada Zavidovići na regionalnu deponiju Mošćanica

Vijeće mora stajati iza svojih odluka i odluka se definitivno prevashodno zbog zaštite životne sredine naše jedinice lokalne samouprave, da se smeće vozi na Mošćanicu treba i mora poštovati od strane preduzeća čiji smo osnivač i čiji rad Grad Zavidovići uveliko finansira. Nema samovolje u radu i ne smije biti, pa je konačno vrijeme da se zabrana rada Gradske deponije i realizira u praksi stavljanjem adekvatne ograde, postavljanjem kamere koja će biti povezana sa policijom i Gradom, kako bi se odmah evidentirali počinitelji prekršaja i propisno kaznili. Uvijek postoji način ako postoji volja, a kršenjem Rješenja o zabrani rada Gradske deponije počinitelji ulaze u poziciju činjenja krivičnog djela, pa pitam je li nam to treba?

Tražimo da nam se u Informaciji o stanju deponije, izvesti o tome jesu li nadležne inspekcije Grada poduzele i donijele mjere iz svoje nadležnosti, te koje. Tražimo i dostavu kopije Rješenja o zabrani rada deponije i njenom zatvaranju, i navođenje u Informaciji koraka kako i kada se planira okončati odvoz smeća na gradsku deponiju koja bi morala biti zapečaćena i svaki prolazak bi morao biti sankcionisan i efektivno spriječen.“

Amer Avdičević

PREDMET: Vijećnička pitanja

Vijećničko pitanje br.1

„Na osnovu Člana 8. i 87. Poslovnika o radu Gradskog vijeća Zavidovići postavljam slijedeće pitanje:

Zahtijevam da se Gradskom vijeću Zavidovići dostavi potpuna dokumentacija vezana za Ugovor iz 2023. godine zaključen sa firmom Hajdić d.o.o. u iznosu od 101.571,00KM, a vezano za isporuku asfalta za potrebe modernizacije cesta na području Grada Zavidovići.

FBT

Vijećničko pitanje br.2

Na osnovu Člana 8. i 87. Poslovnika o radu Gradskog vijeća Zavidovići postavljam slijedeće pitanje:

Zahtijevam da se Gradskom vijeću Zavidovići dostavi potpuna dokumentacija vezana za Ugovor iz 2023. godine zaključen sa firmom GP Heldovac u iznosu od 183.030,00KM, a vezano za isporuku betona za potrebe modernizacije cesta na području Grada Zavidovići.

FBT

Vijećničko pitanje br.3

Na osnovu Člana 8. i 87. Poslovnika o radu Gradskog vijeća Zavidovići postavljam slijedeće pitanje:

Da li su okončane aktivnosti, kako bi se budžetski korisnici odnosno Javne ustanove kojima je Grad osnivač i koje se finansiraju preko 50% iz budžeta Grada Zavidovići uvrstile u Registar budžetskih korisnika i uključili u trezorski način poslovanja?

Radi se konkretno o ustanovama JU Gradski dječji vrtić Zavidovići, JU Kulturno-sportski centar Zavidovići i JU Centar za socijalni rad Zavidovići.“

FBT

Avdičević Zahid

PREDMET: Vijećnička inicijativa

„Na osnovu člana 109. Poslovnika o radu Gradskog vijeća Zavidovići obraćam Vam se sa inicijativom za završetak projekta asfaltiranja lokalne ceste Donji Vikovići-Donji Mustajbašići u dužini od 550 m.

Obrazloženje vijećničke inicijative:

Svi znamo da je ta cesta u nadležnosti kantonalne direkcije i gradske uprave, ali su mještani sabrali cca 40,000.00 – 50,000.00 KM, kako bi izvršili pripremu što se tiče odvodnih kanala, šahti i ivičnjaka, te zbog toga pokrećem inicijativu kako bi se završio projekat asfaltiranja pomenute ceste u dužini od 550m.“

PLIN

Demir Buljubašić

PREDMET: Vijećnička inicijativa i Vijećničko pitanje

Vijećnička inicijativa

„Na osnovu člana 109. Poslovnika o radu Gradskog vijeća Zavidovići obraćamo Vam se inicijativom za zamjenu krova na zgradi organa uprave.

Obrazloženje vijećničke inicijative

Ovom inicijativom želimo ukazati na nužnost zamjene krova na zgradi organa uprave, s obzirom na činjenicu da je postojeći krov prekriven salonitnim pločama koje sadrže azbest, materijal poznat po svojim kancerogenim svojstvima. Azbestna vlakna, koja se vremenom oslobađaju u okolinu, predstavljaju ozbiljnu prijetnju zdravlju zaposlenika i građana koji svakodnevno borave u objektu. Dugotrajna izloženost azbestnim česticama može uzrokovati ozbiljna oboljenja respiratornog sistema, uključujući azbestozu i karcinom pluća, što dodatno opravdava potrebu za hitnom sanacijom krova.

PLIN

Također, želimo naglasiti da je planirana energetska sanacija objekta, odnosno njegovo utopljavanje, čime bi se poboljšala energetska efikasnost i smanjili troškovi grijanja i hlađenja. S obzirom na to da su u planu infrastrukturni radovi na objektu, smatramo da je ovo idealna prilika da se izvrši kompletna sanacija zgrade, uključujući zamjenu postojećeg krova sigurnijim i dugotrajnijim rješenjem. Time bi se spriječilo kasnije naknadno izvođenje radova koji bi mogli povećati troškove i izazvati nove komplikacije u radu organa uprave.

Novi krov bi trebao biti izveden od savremenih, ekološki prihvatljivih i energetski efikasnih materijala, koji bi dodatno doprinijeli smanjenju troškova održavanja objekta. Također, predlažemo da se u sklopu ovih radova razmotri mogućnost ugradnje solarnih panela, što bi omogućilo dodatne uštede na potrošnji električne energije i povećalo samoodrživost objekta.

Ova inicijativa ima za cilj poboljšanje uslova rada zaposlenika, zaštitu zdravlja građana i unapređenje energetske efikasnosti zgrade. Stoga predlažemo da nadležni organi poduzmu sve potrebne korake kako bi se izradio projekt zamjene krova, osigurala finansijska sredstva i izvršili neophodni radovi u sklopu cjelokupne rekonstrukcije objekta.

Unaprijed zahvaljujemo na razumijevanju i podršci ovoj inicijativi te se nadamo pozitivnom odgovoru i brznoj realizaciji projekta.“

Vijećničko pitanje br.1

Na osnovu Člana 8. i 87. Poslovnika o radu Gradskog vijeća Zavidovići postavljam Vijećničko pitanje:

Zašto se inicijative prošlog saziva Gradskog vijeća Zavidovići nisu našle na dnevnom redu.

SS 6V

Vijećničko pitanje br.2

Na osnovu Člana 8. i 87. Poslovnika o radu Gradskog vijeća Zavidovići postavljam Vijećničko pitanje:

S obzirom da sam prethodnih dana izložen medijskom linču pojedinog portala, vezano za Javnu nabavku usluge čišćenja prostorija Grada Zavidovići, te bih molio stručnu službu da nam obrazloži način na koji se raspoisuje Javna nabavka, te da nam da konkretne informacija odnosno izvještaj kako je prošla ova Javna nabavka.“

de

Amira Hadžić

PREDMET: Vijećnička inicijativa i pitanje

Na osnovu člana 171.a. Poslovnika o radu Gradskog vijeća Zavidovići, podnosim sljedeću vijećničku inicijativu:

Predlažem da se u Ulici Stjepana Radića, u neposrednoj blizini Čaršijske džamije, na mjestu gdje se nalaze uspomici, umjesto istih postavi grbina tzv. ležeći policajac, te da se na uglu objekta džamije zabrani parkiranje vozila, kako bi vozila nesmetano mogla vršiti skretanje udesno u dijelu ulice koji vodi prema prema kapiji Čaršijske džamije, poslovnom prostoru postojeće knjižare-kopimice i dalje prema stambenima objektima.

plm

Obrazloženje vijećničke inicijative:

Na dijelu Ulice Stjepana Radića, u neposrednoj blizini Čaršijske džamije, nalaze se uspornici, kao sredstvo za smanjenje brzine kretanja vozila na mjestu gdje se u neposrednoj blizini nalaze dva ulaza u glavnu ulicu - lijevo između dva ugostiteljska objekta i desno između Čaršijske džamije i stambene zgrade kolektivnog stanovanja. Postojeći uspornici nedostatni su da bi se postigla svrha usporavanja vozila, budući da je prelazak preko istih moguć relativno većom brzinom kretanja vozila. Svrha istih trebala bi biti smanjenje brzine kretanja vozila koja idu glavnom ulicom, kako ne bi došlo do udesa prilikom izlaska iz sporednih ulica, a obzirom na nepreglednost na tom dijelu. Stoga se predlaže da se umjesto postojećih uspomika, postavi jedna grbina (tzv. ležeći policajac).

Također, na opisanom dijelu Ulice Stjepana Radića, na uglu objekta Čaršijske džamije, potrebno je osloboditi dio općeg parkirališta s desne strane, kako bi vozila mogla vršiti nesmetano skretanje u dio ulice koji vodi prema prema kapiji Čaršijske džamije, poslovnom prostoru postojeće knjižare-kopirnice i dalje prema stambenima objektima.

Inicijativu je moguće provesti manjim ulaganjima iz sredstava redovno opredijeljenih za tu namjenu.

Vijećničko pitanje

Pitanje upućujem Gradonačelnici, Nadzornom odboru JKP Radnik, Skupštini JKP Radnik i drugim nadležnim službama.

Koje mjere namjeravaju poduzeti da zaustave pljačkanje naših građana od strane JKP, konkretno naplate računa u punom iznosu za toplotnu energiju koja nije isporučena.“

PVK P

Amira Hadžić

Da li još neko želi postaviti vijećničko pitanje?

Ne želi niko. U redu, prelazimo na usmene odgovore. Sekretar Gradske uprave gospodin Nermin Čahtarević se javio.

Nermin Čahtarević

Sve prisutne selamim i pozdravljam. Želim, ako vijećnik Demir Buljubašić to dozvoli, da usmeno odgovorim na njegovo Vijećničko pitanje vezano za Javnu nabavku usluge čišćenja prostorija Gradske uprave Zavidovići. Naime, kompletan postupak je proveden putem konkurentskog zahtjeva za dostavu ponuda. Osim cijene, ni jedan drugi kriterij nije bio propisan, najjeftinija ponuda je bila jedini kriterij koji se traži. Konkurentski zahtjev podrazumijeva objavu Javnog tendera na portalu Javnih nabavki koji podrazumijeva teritoriju čitave Bosne i Hercegovine i šire. Dakle, sve firme od Trebinja do Bihaća, od Ljubuškog do Brčkog mogle su se prijaviti, i prijavilo se više firme i dale ponudu o Javnoj nabavci. Nakon provedenog ovog postupka i dodatnog postupka E-aukcije, odnosno gdje je omogućeno dodatno snižavanje cijene, izabrana je ponuda najpovoljnijeg ponuđača gdje je isključivo bio kriterij cijena. Ako je potrebno, možemo za sljedeći sjednicu dostaviti i izvještaj sa E-aukcije da se vidi kako je E-aukcija tekla, da se vidi kako su se cijene snižavale i da se vidi koje su sve firme učestvovala u ovoj Javnoj nabavci. Hvala.“

Amira Hadžić

Zahvaljujem gospodinu Čahtareviću. Da li još ima odgovora? Nema. S obzirom da na 4. sjednici Gradskog vijeća smo imali vijećnike koji nisu dobili odgovore na Vijećnička pitanja koja su postavljena na 2. sjednici, kolegica Delić i kolega Džindo, pozivam ih da se izjasne.

Gospođo Delić, da li se zadovoljni odgovorim dobijenim na postavljena Vijećnička pitanja?

Elvira Delić

Zadovoljna.

Amira Hadžić

Jeste? Dobro. Gospodine Džindo da li ste zadovoljni odgovorom?

Asim Džindo

Zadovoljan.

Amira Hadžić

Jeste? Zahvaljujem.

Također, imamo vijećnike koji se nisu izjasnili na odgovore na Vijećnička pitanja jer ih nisu dobili na 4. a postavljena su na 3. sjednici Gradskog vijeća da li su zadovoljni odgovorima. Pa pitam Ajdina Polića da li ste zadovoljni ili imate dopunska pitanja?

Ajdin Polić

„Imam dopunska pitanja.

Kada je u pitanju odgovor na pitanja koja sam postavio na 3. sjednici, treće pitanja, radi se o dopisu po nazivom Obavijest o neposrednoj opasnosti po život mještana, tražim izjašnjenje o poduzetim radnjama Službe za upravu geodetskih i imovinsko pravnih odnosa, s obzirom da je Služba za upravu ekonomskih poslova zaprimila i obradila predmet te prosljedila dalje Službu za upravu imovinskih poslova, a s obzirom da su oni trebali preduzeti određene radnji a od njih nismo dobili nikakav odgovor po tom osnovu tražim odgovor. Hvala.“

Amira Hadžić

Zahvaljujem. Gospodine Džindo, da li ste Vi zadovoljni odgovorima na pitanja sa 3. sjednice?

Asim Džindo

Zadovoljan.

Amira Hadžić

Zahvaljujem. Gospodine Fojnica?

Admir Fojnica

Zadovoljan.

Amira Hadžić

Zahvaljujem. I prelazimo na odgovore na vijećnička pitanja postavljena na 4. sjednici Gradskog vijeća Zavidovići. Pitam gospodina Asima Džindu, da li ste zadovoljni na vijećnička pitanja postavljena na 4. sjednici od 1 do 13?

Asim Džindo

Nisam još stigao razmotriti odgovore s obzirom da su kasno stigli, pa ću se izjasniti na idućoj sjednici.

Amira Hadžić

Dobro. Zahvaljujem. Gospodo Delić, da li ste vi zadovoljni odgovorom?

Elvira Delić

Tražim dopunsko. Mislim da je odgovor mogao biti malo precizniji glede ovih 300 000 ...?

Jer ipak riječ je o ...?

Amira Hadžić

Zahvaljujem. Gospodine Ćosiću, da li ste vi zadovoljni odgovorom?

Omer Ćosić

Zadovoljan.

Amira Hadžić

Zahvaljujem. Pitam gospodina Zahida Avdičevića, da li ste Vi zadovoljni odgovorom?

Zahid Avdičević

Zadovoljan.

Amira Hadžić

Zahvaljujem. Gospodine Polić da li ste zadovoljni? Niste, dobro izvolite imate dopunska pitanja.

Ajdin Polić

„Imam dopunsko pitanje vezano za moje 5. pitanje, naime radi od zahtjevu UG Gvozdeni most o organizaciji ulice Enesa Kalabića, odnosno za davanje urbanističke i građevinske saglasnosti nakon proširenja. U samom pitanju sam naveo da pitanja postavljam Pravobranilaštvu, a odgovor sam dobio od Službe za privredu. Pa bih zamolio da dobijem odgovor od Pravobranilaštva s obzirom da je predmet kod njih, pa me zanima koji je status predmeta. Da li je išta učinjeno, da li išta nije učinjeno s obzirom evo da je predmet godinu dana kod njih kako je zaprimljen. Odgovorima na ostala pitanja sam zadovoljan. Hvala.“

pravna

Amira Hadžić

Zahvaljujem. Gospodine Jalmanoviću, da li ste zadovoljni odgovorima?

Sanel Jalmanović

Zadovoljan.

Amira Hadžić

Zahvaljujem. Gospodine Šemsudine Skejiću, imali ste Dopunsko pitanje prošli put, da li ste zadovoljni odgovorima?

Šemsudin Skejić

Nisam uspio pročitati.

Amira Hadžić

Dobro, možete se izjasniti sljedeći put, s obzirom da ste kasno dobili odgovore.

S time smo iscrpili Vijećnička pitanja i Inicijative te smo završili Prvu tačku Dnevnog reda, te pralazimo na drugu.

ZAPISNIK SAČINIO

Dženan Čatić, dipl.iur.

Akt pripremio:


Samira Pinjić, dipl. pravnik



Hadžić dr Amira, spec. dijagnostičke radiologije
predsjedavajuća Gradskog vijeća Zavidovići
Ul. Safvet-bega Bašagića, lamela II/7
72220 ZAVIDOVIĆI

**GRADSKO VIJEĆE
ZAVIDOVIĆI**

PREDMET: Vijećnička inicijativa

Na osnovu člana 171.a. Poslovnika o radu Gradskog vijeća Zavidovići, podnosim sljedeću vijećničku inicijativu:

Predlažem da se u Ulici Stjepana Radića, u neposrednoj blizini Čaršijske džamije, na mjestu gdje se nalaze uspornici, umjesto istih postavi grbina (tzv. ležeći policajac), te da se na uglu objekta džamije zabrani parkiranje vozila, kako bi vozila nesmetano mogla vršiti skretanje udesno u dijelu ulice koji vodi prema prema kapiji Čaršijske džamije, poslovnom prostoru postojeće knjižare-kopirnice i dalje prema stambenima objektima.

O b r a z l o ž e n j e

Na dijelu Ulice Stjepana Radića, u neposrednoj blizini Čaršijske džamije, nalaze se uspornici, kao sredstvo za smanjenje brzine kretanja vozila na mjestu gdje se u neposrednoj blizini nalaze dva ulaza u glavnu ulicu – lijevo između dva ugostiteljska objekta i desno između Čaršijske džamije i stambene zgrade kolektivnog stanovanja. Postojeći uspornici nedostatni su da bi se postigla svrha usporavanja vozila, budući da je prelazak preko istih moguć relativno većom brzinom kretanja vozila. Svrha istih trebala bi biti smanjenje brzine kretanja vozila koja idu glavnom ulicom, kako ne bi došlo do udesa prilikom izlaska iz sporednih ulica, a obzirom na nepreglednost na tom dijelu. Stoga se predlaže da se umjesto postojećih uspornika, postavi jedna grbina (tzv. ležeći policajac).

Također, na opisanom dijelu Ulice Stjepana Radića, na uglu objekta Čaršijske džamije, potrebno je osloboditi dio općeg parkirališta s desne strane, kako bi vozila mogla vršiti nesmetano skretanje u dio ulice koji vodi prema prema kapiji Čaršijske džamije, poslovnom prostoru postojeće knjižare-kopirnice i dalje prema stambenima objektima.

Inicijativu je moguće provesti manjim ulaganjima iz sredstava redovno opredijeljenih za tu namjenu.

Zavidovići, 25.03.2025. godine

PODNOŠITELJICA

Hadžić dr Amira, spec. dijagnostičke radiologije

1. Priloge ~~stav~~ upućen na Gradonačelnici, na Žup,
: Simptomi ŽKP, i in. materijal shodno:

- koje su sve namjeravali poslati do Zavoda
oboljelih u oči postalo od strane ŽKP - naplatiti
ciljano u jednom slučaju tojističevu knjigu koja
je izdana.

25.03.2025. godine

Župnik Marko

Hadžić dr Amira, spec. dijagnostičke radiologije
predsjedavajuća Gradskog vijeća Zavidovići
Ul. Safvet-bega Bašagića, lamela II/7
72220 ZAVIDOVIĆI

GRADSKO VIJEĆE
ZAVIDOVIĆI

PREDMET: Vijećnička inicijativa

Na osnovu člana 171.a. Poslovnika o radu Gradskog vijeća Zavidovići, podnosim sljedeću vijećničku inicijativu:

Predlažem da se u Ulici Stjepana Radića, u neposrednoj blizini Čaršijske džamije, na mjestu gdje se nalaze uspornici, umjesto istih postavi grbina (tzv. ležeći policajac), te da se na uglu objekta džamije zabrani parkiranje vozila, kako bi vozila nesmetano mogla vršiti skretanje udesno u dijelu ulice koji vodi prema prema kapiji Čaršijske džamije, poslovnom prostoru postojeće knjižare-kopirnice i dalje prema stambenima objektima.

O b r a z l o ž e n j e

Na dijelu Ulice Stjepana Radića, u neposrednoj blizini Čaršijske džamije, nalaze se uspornici, kao sredstvo za smanjenje brzine kretanja vozila na mjestu gdje se u neposrednoj blizini nalaze dva ulaza u glavnu ulicu – lijevo između dva ugostiteljska objekta i desno između Čaršijske džamije i stambene zgrade kolektivnog stanovanja. Postojeći uspornici nedostatni su da bi se postigla svrha usporavanja vozila, budući da je prelazak preko istih moguć relativno većom brzinom kretanja vozila. Svrha istih trebala bi biti smanjenje brzine kretanja vozila koja idu glavnom ulicom, kako ne bi došlo do udesa prilikom izlaska iz sporednih ulica, a obzirom na nepreglednost na tom dijelu. Stoga se predlaže da se umjesto postojećih uspornika, postavi jedna grbina (tzv. ležeći policajac).

Također, na opisanom dijelu Ulice Stjepana Radića, na uglu objekta Čaršijske džamije, potrebno je osloboditi dio općeg parkirališta s desne strane, kako bi vozila mogla vršiti nesmetano skretanje u dio ulice koji vodi prema prema kapiji Čaršijske džamije, poslovnom prostoru postojeće knjižare-kopirnice i dalje prema stambenima objektima.

Inicijativu je moguće provesti manjim ulaganjima iz sredstava redovno opredijeljenih za tu namjenu.

Zavidovići, 25.03.2025. godine

PODNOŠITELJICA

Hadžić dr Amira, spec. dijagnostičke radiologije



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKA ORGANIZACIJA ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Broj: 15/25

Dana: 18.03.2025.

Grad Zavidovići


Stručna služba Gradskog vijeća Zavidovići

Predmet: Vijećničko pitanje

Na osnovu Člana 8. i 87. Poslovnika o radu Gradskog vijeća Zavidovići postavljam slijedeće pitanje:

Da li su okončane aktivnosti, kako bi se budžetski korisnici odnosno Javne ustanove kojima je Grad osnivač i koje se finansiraju preko 50% iz budžeta Grada Zavidovići uvrstile u Registar budžetskih korisnika i uključili u trezorski način poslovanja?

Radi se konkretno o ustanovama JU Gradski dječji vrtić Zavidovići, JU Kulturno sportski centar Zavidovići i JU Centar za socijalni rad Zavidovići.



mr. Amer Avdičević



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKA ORGANIZACIJA ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Broj: 16/25

Dana: 18.03.2025.


Grad Zavidovići

Stručna služba Gradskog vijeća Zavidovići

Predmet: Vijećničko pitanje

Na osnovu Člana 8. i 87. Poslovnika o radu Gradskog vijeća Zavidovići postavljam slijedeće pitanje:

Zahtijevam da se Gradskom vijeću Zavidovići dostavi kompletna dokumentacija vezana za Ugovor iz 2023. godine zaključen sa firmom GP Heldovac u iznosu od 183.030,00 KM, a vezano za isporuku betona za potrebe modernizacije cesta na području Grada Zavidovići.



mr. Amer Avdičević



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKA ORGANIZACIJA ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Broj: 17/25

Dana: 18.03.2025.


Grad Zavidovići

Stručna služba Gradskog vijeća Zavidovići

Predmet: Vijećničko pitanje

Na osnovu Člana 8. i 87. Poslovnika o radu Gradskog vijeća Zavidovići postavljam slijedeće pitanje:

Zahtijevam da se Gradskom vijeću Zavidovići dostavi potpuna dokumentacija vezana za Ugovor iz 2023. godine zaključen sa firmom Hajdić d.o.o. u iznosu od 101.571,00 KM, a vezano za isporuku asfalta za potrebe modernizacije cesta na području Grada Zavidovići.



mr. Amer Avdićević

VIJEĆNIČKO PITANJE :

1. Tražim kao gradska vijećnica da se pripremi Informacija od strane Službe za upravu poljoprivrede , vodoprivrede i komunalnih poslova u saradnji sa JKP Radnik doo Zavidovići u kojoj će se navesti ko je odobrio JKP Radnik doo Zavidovići da i dalje koristi za odlaganje otpada zatvorenu gradsku deponiju koja je locirana u industrijskoj zoni Ekonomija Batvice čime se na najbolji način pokazuje nebriga za našu privredu . Gradska deponija je zatvorena Rješenjem Federalne inspekcije , sa tačnim zadacima i rokovima zatvaranja . I pored toga uprava preduzeća i dalje krši zabranu odlaganja smeća , pa makar to bio i kruti otpad ili šut na Gradsku deponiju . Na ovaj način se derogira kompletan Plan upravljanja i odlaganja otpada koji podrazumjeva isključivo prikupljanje i odvoz otpada sa područja Grada Zavidovići na regionalnu deponiju Mošćanica .

Vijeće mora stajati iza svojih odluka i odluka se definitivno prevashodno zbog zaštite životne sredine naše jedinice lokalne samouprave , da se smeće vozi na Mošćanicu treba i mora poštovati od strane preduzeća čiji smo osnivač i čiji rad Grad Zavidovići uveliko finansira . Nema samovolje u radu i ne smije biti , pa je konačno vrijeme da se zabrana rada Gradske deponije i realizira u praksi stavljanjem adekvatne ograde , postavljanjem kamere koja će biti povezana sa policijom i Gradom , kako bi se odmah evidentirali počinitelji prekršaja i propisno kaznili . Uvijek postoji način ako postoji volja , a kršenjem Rješenja o zabrani rada Gradske deponije počinitelji ulaze u poziciju činjenja krivičnog djela , pa pitam je li nam to treba ?

Tražimo da nam se u Informaciji o stanju deponije , izvjesti o tome jesu li nadležne inspekcije Grada poduzele i donijele mjere iz svoje nadležnosti , te koje . Tražimo i dostavu kopije Rješenja o zabrani rada deponije i njenom zatvaranju , i navođenje u Informaciji koraka kako i kada se planira okončati odvoz smeća na gradsku deponiju koja bi morala biti zapečaćena i svaki prolazak bi morao biti sankcionisan i efektivno spriječen

..

*Gradnica 6 V
Zavidovići*

25.03.2025. god.

Gradska vijećnica

Bruno Furica

BOSNA I HERCEGOVINA

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

PREDSJEDAVAJUĆA GRADSKOG VIJEĆA

Predmet: Inicijativa za saniranje,asfaltiranje lokalnog puta prema naseljenom mjestu Potklečje

Poštovani/a,

na osnovu člana 109. Poslovnika o radu Gradskog vijeća Zavidovići, podnosim Inicijativu za saniranje,asfaltiranje lokalnog puta prema naseljenom mjestu Potklečje.

OBRAZLOŽENJE :

Glavna cesta prema naseljenom mjestu Potkleče, skretanje iznad Prve osnovne škole je jedna od prvih koja je rađena i asfaltirana na području našeg grada. Proteklih godina cesta je na nekoliko dionica pretrpjela velika oštećenja, što otežava saobraćaj, uzrokuje oštećenje na vozilima, a sami mještani su imali već nekoliko akcija kako bi sanirali nastala oštećenja, ali svakako da problem nije trajno riješen. S obzirom da se cesta često koristi i kao alternativni put u slučaju radova ili saobraćajne nesreće u ulici Zlatnih Ljiljana, smatram da je od velike važnosti da se krene u potpunu rekonstrukciju ceste prema naseljenom mjestu Potkleče, gdje su svakako i sami mještani spremni da daju svoj doprinos.

Vijećnik Naroda i Pravde u GV Zavidovići



Admir Fojnica

BOSNA I HERCEGOVINA

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

Predmet: Inicijativa za pokretanje aktivnosti za izgradnju trotoara uz Regionalnu cestu, u prostoru između dva skretanja prema naseljenom mjestu Dolovi.

Poštovani/a,

na osnovu člana 109. Poslovnika o radu Gradskog vijeća Zavidovići, podnosim Inicijativu za pokretanje aktivnosti uz Regionalnu cestu , u prostoru između dva skretanja prema naseljenom mjestu Dolovi.

OBRAZLOŽENJE :

S obzirom da svakodnevno prolazi veliki broj pješaka, prije svega djece uz regionalnu cestu Zavidovići- Žepče, smatram da je potrebno što prije da se uradi trotoar od hotela Biga pa do drugog skretanja za Dolove. Svi smo upoznati da u tom dijelu imamo i romsko naselje koji prolaze tim dijelom puta, što vozačima koji dolaze iz pravca Žepča, posebno u večernjim satima, zbog vidljivosti i nepreglednosti predstavlja veliki problem. Kako bi na vrijeme reagovali, spriječili eventualne nesreće i ugrožavanje ljudskih života, tražim od gradskih službi da hitno djeluju po ovom pitanju, da upute dopis i JP Ceste FBiH kako bi se radovi na ovoj dionici puta završili u što kraćem roku.

Vijećnik Naroda i Pravde u GV Zavidovići



Admir Fojnica

• BOSNA I HERCEGOVINA

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

PREDSJEDAVAJUĆA GRADSKOG VIJEĆA

Predmet: Vijećničko pitanje

Poštovani/a,

na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje a tiče se trenutnog statusa ulice 4. Manevarski bataljon (bivša Markovac)


OBRAZLOŽENJE :

Ulica 4. Manevarski bataljon (bivša Markovac) nalazi se u MZ „ Asim Čamdžić“ ispod naselja Vučjak. Navedena ulica se nalazi ispod naselja Vučjak u dužini od 790 m, a pitanje je u kojoj se dužini stvarno koristi, kada su u pitanju sami mještani navedene ulice.

Dio privatnih kuća (ispod te ulice) koje su dobijale građevinske dozvole za gradnju stambenih jedinica, trenutno nisu u mogućnosti da istu koriste zbog nasipanja prvobitnog nivoa ulice, nakon čega je na jednom mjestu infiltrirala u privatni posjed i u većem dijelu ne može služiti ostalim mještanima.

U prilogu dostavljam kopiju katastarskog plana i tražim odgovor u pisanoj formi.

Vijećnik Naroda i Pravde



Admir Fojnica

Sanel Jalmanović
Gradski vijećnik (Snaga naroda)
Ul. Dobrovoljnih davalaca krvi

Datum: 25.03.2025.

Bosna i Hercegovina
Federacija BiH
Zeničko-dobojski kanton
Grad Zavidovići
n/r Predsjedavajuća GV Zavidovići

PREDMET: Inicijativa za izgradnju proširenja za autobuse u ulici 35.divizije

Poštovani,

Na osnovu člana 109. Poslovnika o radu Gradskog vijeća Zavidovići, podnosim INICIJATIVU za izgradnju proširenja za autobuse u ulici 35.divizije

Obrazloženje

Ovom inicijativom želim skrenuti pažnju na ozbiljan saobraćajni problem u blizini JU „Druga osnovna škola Zavidovići, u ulici 35.divizije, a koji se odnosi na neadekvatne uslove za dolazak i odlazak autobusa koji prevoze učenike. Naime, zbog nedostatka odgovarajućeg proširenja ili stajališta, autobusi su primorani zaustavljati se na saobraćajnici.

Djeca su često primorana ulaziti i izlaziti iz autobusa na saobraćajnoj traci, što povećava rizik od saobraćajnih nesreća.

Također, zbog zadržavanja autobusa na saobraćajnici, dolazi do saobraćajnih gužvi, gdje vrlo često učesnici u saobraćaju zaobilaze autobuse na nepropisan način, čime ugrožavaju sebe i ostale učesnike u saobraćaju.

S obzirom na navedene probleme, predlažem da nadležna gradska služba pokrene proceduru za izgradnju proširenja za zaustavljanje autobusa u blizini škole, čime bi se omogućio siguran ulazak i izlazak djece, i tako smanjio rizik od nesreća.

Također, postavljanje odgovarajuće saobraćajne signalizacije i dodatnih mjera spriječilo bi mogućnost ugrožavanja učenika i učesnika u saobraćaju.

Tražim da se razmotri mogućnost dodatnih urbanističkih rješenja koja bi dugoročno unaprijedila bezbjednost saobraćaja u ovom dijelu grada.


Sigurnost djece svima nama mora biti prioritet! Ovim rješenjem ne samo da štitimo najmlađe, već i doprinosimo boljoj regulaciji saobraćaja i smanjenju rizika od nesreća.

Očekujem da se ova inicijativa uvrsti na dnevni red sjednice Gradskog vijeća te da se što prije poduzmu konkretni koraci za njenu realizaciju.

S poštovanjem,

Zavidovići, 25.03.2025.

Sanel Jalmanović, mr. pol



**ĆOSIĆ OMER*

Vijećnik u Gradskom vijeću

**Dana: 24.03.2025.g.*

Gradsko vijeće Zavidovići

Predsjedavajuća Vijeća g-đa Amira Hadžić

Predmet: INICIJATIVA

U skladu sa Poslovníkom o radu Gradskog vijeća Zavidovići, član 171.a i 171.b podnosim Inicijativu za utvrđivanje javnog interesa za izgradnju pješačkog trotoara u ulici Jusufa Polića Ribara dužine cca 1 km.

Obrazloženje


Duži vremenski period postoji potreba izgradnje trotoara u Ulici Jusufa Polića Ribara, a pogotovo posljednjom kategorizacijom ulica, kojom je ovaj pravac kategorisan kao regionalni put. Saobraćaj motornih vozila posljednjih godina je znatno povećan, a pogotovo teretnih motornih vozila, kao i brzina kojom se kreću, utiču i na sigurnost pješaka. Tome treba dodati da ovom dionicom saobraća kompletno stanovništvo naseljeno u slivu rijeke Gostović. Također, treba napomenuti da se u ovoj ulici nalazi mesdžid, te je frekvencija ljudi i zbog toga povećana. jer i ista spada u urbanu dio grada.


Pogodnost koja ide u prilog manjoj ili nižoj cijeni realizacije ovog projekta, jeste već provedena eksproprijacija zemljišta prilikom izgradnje ovog puta. Tako da je uz samu kolovoznu traku ostalo dovoljno prostora - zemljišta da se izgradi trotoar zadovoljavajuće širine.

Zbog navedenih razloga podnosim inicijativu Gradskom vijeću za utvrđivanje javnog interesa za izgradnju ovog trotoara, te da Vijeće svojom odlukom zaduži nadležne gradske organe da u što kraćem roku realizuju ovu inicijativu.

Podnosilac inicijative

Vijećnik Ćosić Omer





Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 25.03.2025.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r.gda. Amira Hadžić, predsjedavajuća GV**

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče statusa usvojene Inicijative i Zaključka GV Zavidovići o realizaciji Odluke hitne izrade Programa uređenja građevinskog zemljišta.

Obrazloženje vijećničkog pitanja:

U avgustu mjesecu 2023.godine, usvojena je Inicijativa Kluba vijećnika SDP BiH u GV Zavidovići i Odluka o hitnoj izradi Programa uređenja građevinskog zemljišta. Inicijativa je delegirana i zahtjevala hitnost postupanja, uzimajući u obzir činjenicu da Program uređenja građevinskog zemljišta kao dokument obavezan iz zakonskih odredbi, u našoj lokalnoj zajednici uopšte ne postoji.

Obzirom da je odredbom člana 58.stav (2) i (3) Zakona o prostornom uređenju i građenju (Službene novine Zeničko-dobojskog kantona, broj: 1/14 i 4/16) propisano da program uređenja građevinskog zemljišta usvaja Gradsko vijeće na prijedlog Gradonačelnika/ce, a da Program uređenja zemljišta priprema i provodi nadležna gradska služba, postavljam vijećničko pitanje statusa ovog akta. Više od 19 mjeseci, jedan od ključnih i važnih dokumenata prostorno-planske i građevinske dokumentacije nije pripremljen, niti je delegiran od strane nadležnih autoriteta na raspravu i usvajanje Gradskom vijeću. Uz dodatna pojašnjenja, zašto se nije ova obaveza odradila, ko je odgovoran i kada možemo konačno očekivati ovaj dokument pred gradskim vijećnicima?

Zahtjevam hitnu intervenciju kako bismo preduprijedili neželjene posljedice, ali i kako bismo konačno obezbijedili legalnost provođenja postupaka po ovoj problematici, na što nas obavezuju zakonske norme.

Pitanja se upućuju Gradonačelnici i nadležnim gradskim službama, uz očekivanje tačnih i jasnih odgovora.

S poštovanjem,



Vijećnik SDP BiH u GV Zavidovići

Gradska organizacija SDP BiH Zavidovići

Градска организација СДП БиХ Завидовићи

Sekretarijat:

Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 25.03.2025.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r.gđa. Amira Hadžić, predsjedavajuća GV**

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče statusa Javnog poziva za nadzidiivanje-nadogradnju zgrade zv. „Stara općina“ vlasništvo Grada Zavidovići.

Obrazloženje vijećničkog pitanja:

Dana, 17.05.2024. godine, na osnovu člana 2. Odluke o davanju prethodne saglasnosti za nadzidiivanje zgrade („Službeni glasnik općine Zavidovići“ broj: 9/2017) i tačke II Rješenja Općinskog vijeća Zavidovići broj: 01-19-135/22-AP-4 od 31.01.2022. godine o imenovanju stručne Komisije za objavljivanje javnog poziva i provođenje postupka odabira najpovoljnijeg ponuđača - investitora za nadzidiivanje zgrade zv. „Stara općina“ objavljen je Javni poziv za nadzidiivanje-nadogradnju zgrade zv. „Stara općina“, vlasništvo Grada Zavidovići.

U nedostatku i nedostupnosti informacija po ovoj predmetnoj stvari postavljam ovo vijećničko pitanje s ciljem dobijanja relevantnih informacija u kojoj je fazi ovaj postupak, da li postoje eventualni problemi u realizaciji, kada se planira konačna realizacija svih aktivnosti, i sl?

Pitanja se upućuju Gradonačenicima i nadležnim gradskim službama.

S poštovanjem,



Vijećnik SDP BiH u GV Zavidovići

Gradska organizacija SDP BiH Zavidovići

Градска организација СДП БиХ Завидовићи

Sekretarijat:

Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 25.03.2025.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r.gđa. Amira Hadžić, predsjedavajuća GV**

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje i zahtijevam detaljna pojašnjenja u vezi sa korištenjem dijela javne parking površine od strane zaposlenika organa Uprave Grada Zavidovići.

Obrazloženje vijećničkog pitanja:

U ulici Mehmed paše Sokolovića, između zgrade organa Uprave Grada Zavidovići i objekta zv. "bivši Inženjering - IP Krivaja Zavidovići" nalazi se parking prostor koji je Odlukom o bezbjednosti i organizaciji saobraćaja na cestama općine Zavidovići jasno determinisan, kategorisan, sa detaljnim, objašnjenim i naznačenim uslovima korištenja, korisnicima, ... Prostor je podijeljen i kategorisan na dio, tj. parking prostor na kojem se vrši naplata i drugi dio gdje je javni parking prostor, uz sve svoje jasno naznačene karakteristike.

Predmet, zahtjeva za pojašnjenjima, i ovog vijećničkog pitanja je dio javnog parking prostora i površine koja je podijeljena i na kojoj je instalirana i iscrtana horizontalna i vertikalna signalizacija i koja se s tim elementima, po nepoznatom osnovu, definiše kao rezervisani parking prostor u određenom vremenskom periodu za zaposlenike organa Uprave Grada Zavidovići.

Direktna pitanja na koje se zahtijevaju odgovori: Na osnovu čega je omogućeno korištenje navedenog parking prostora i površine gore navednim licima, na osnovu kojeg dokumenta, akta, na osnovu čega je izvršeno postavljanje horizontalne i vertikalne signalizacije, označavanje rezervacija u nemalom broju parking mjesta i ko je donio odluku o postavljanju pojedinaca ili male grupe kolektiviteta u povoljniji položaj u odnosu na ostale građane u korištenju ove infrastrukture? Naročito, onih koji imaju prebivalište u obližnjim stambenim objektima i koji redovno plaćaju svoju obvezu komunalne naknade? Ukoliko, ne postoji, a indicije i dostupne informacije su da ne postoje niti pravni osnovi, niti akti za uživanje ove „povlastice“, da se hitnim postupkom ukloni signalizacija, i omogućiti u konačnici bez „povlastica i prioriteta“ korištenje ove infrastrukture, ravnopravno svim građanima.

Pitanja se upućuju Gradonačelnici i nadležnim gradskim službama i zahtjeva hitna intervencija u potrebi.

S poštovanjem,



Vijećnik SDP BiH u GV Zavidovići

Gradska organizacija SDP BiH Zavidovići

Градска организација СДП БиХ Завидовићи

Sekretarijat:

Adresa: dr. Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040

Fax: +387 (0) 32 879-040

E-mail: sdpzdici@bih.net.ba

www.sdp.ba

facebook.com/sdpbih

facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 25.03.2025. godine

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI

Predmet: Inicijativa za dodjelu naziva ulice ili dijela ulice prvoj žrtvi agresije na Zavidoviće (Mustafić Jusuf)

Poštovani,

na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU za dodjelu naziva ulice ili dijela ulice prvoj žrtvi agresije na Zavidoviće - Mustafić Jusufu.

OBRAZLOŽENJEM kako slijedi:

Prva žrtva agresora na području Grada Zavidovići pala je na koti 715 Podsijelovo 18. maja 1992. godine.

Tog 18. maja 1992. godine, u jedan sat iza ponoći, desio se agresorski napad na brdu Podsijelovo, pri čemu je agresorska jedinica, koja je bila u izviđanju, napala stražarske položaje mještana Hajderovičkih naseljenih mjesta koji su čuvali stražu upravo zbog očekivanih napada.

U tom napadu ubijen je Mustafić (Naila) Jusuf iz naseljenog mjesta Kljenik (Hajderovići) koji je bio na stražarskom mjestu, a ubijen je kukavički iz zasjede od strane agresorskih izviđača.

Kako do danas nema ni jednog spomen obilježja na području Zavidovića da podsjeća na prvu žrtvu agresije na naš grad, smatram da je najmanje što trenutno možemo učiniti jeste da jednu ulicu ili dio ulice nazovemo po Mustafić Jusufu, prvoj žrtvi agresije na Grad Zavidovići.

Za realizaciju ove inicijative nisu potrebna finansijska sredstva.

S poštovanjem,



Vijećnik SDP BiH u OV Zavidovići

Haris Hodžić, dipl.oec

Općinska organizacija SDP BiH Zavidovići

Општинска организација СДП БиХ Завидовићи

Sekretarijat

Adresa: dr. Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdsi@bih.net.ba

www.sdp.ba
facebook.com/sdpbih
facebook.com/sdpbihzavidovici



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Datum: 24.03.2025. godine

Broj: 18/25

GRADSKO VIJEĆE
- n/r predsjedavajućeg GV-a -
ZAVIDOVIĆI

PREDMET: Inicijativa;

Na osnovu člana 109. Poslovnika o radu Gradskog vijeća Zavidovići, a u ime Kluba vijećnika Stranke demokratske akcije, Gradskom vijeću Zavidovići podnosim inicijativu za raspodjelu prihoda prikupljenih po osnovu koncesionih naknada.

O b r a z l o ž e n j e

Odlukom Vlade Zeničko-dobojskog kantona o načinu rasporeda i korištenja finansijskih sredstava prikupljenih po osnovu kontinuirane jednokratne naknade od koncesija, utvrđena je i raspodjela sredstava između kantona i općina u omjeru 70% općini na čijoj se teritoriji obavlja koncesiona djelatnost i 30 % kantonu.

Obzirom da je prijedlogom Budžeta Grada Zavidovići za 2025. godinu planiran prihod od davanja prava na eksploataciju prirodnih resursa-koncesiona naknada u iznosu os 230.000, 00 KM, predmetnom inicijativom predlažem da se svi prikupljeni prihodi raspodijele na način da se u omjeru 50% prihoda vrati direktno Mjesnoj zajednici na kojoj je prihod prikupljen, a preostalih 50 % bi ostao prihod Grada Zavidovići.

Prihod koji Mjesna zajednica dobije po ovom osnovu utrošio bi se kroz realizaciju određenih infrastrukturnih i drugih projekata na Mjesnoj zajednici.

Poznato nam je da se koncesiona naknada na području našeg grada prikupi po osnovu eksploatacije kamena i vode te da se eksploatacija izvrši na području Mjesnih zajednica Ribnica i Gostović.

Takođe je opće poznato da sama eksploatacija posebno kamena navedenim mjesnim područjima stvara konstantne probleme u vidu zagađenja životnog prostora, opasnost od korištenja minsko-eksplozivnih sredstava do oštećenja putne infrastrukture, te bi navedeni povrat sredstava bio i određeni vid obeštećenja i satisfakcija za navedene Mjesne Zajednice.



VIJEĆNIK SDA U GV ZAVIDOVIĆI

Elvedin Huskić

KLUB VIJEĆNIKA NES-a

Datum: 25.03.2025.godine

BOSNA I HERCEGOVINA
FEERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Predsjedavajući Gradskog vijeća

PREDMET: Inicijativa za izgradnju puta od naseljenog mjesta Čumurane do Alići na području MZ Dolina-Alići

Na osnovu člana 109. Poslovnika o radu Gradskog vijeća Zavidovići obraćamo Vama se inicijativom za izgradnju puta od naseljenog mjesta Čumurane do Alići na području MZ Dolina-Alići

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje

Ovom inicijativom želimo skrenuti pažnju na problem podvožnjaka ispod željezničke pruge na području MZ Dolina-Alići gdje je ugroženo skoro 200 domaćinstava.

Naime, postojeći putni pravci nisu adekvatni za saobraćaj teretnih vozila prema naseljima Alići i Dolina, što predstavlja značajan problem za stanovnike, posebno u pogledu dostave građevinskog materijala, vatrogasnih vozila, poljoprivrednih proizvoda, ogreva i drugih roba. Podvožnjaci ispod željezničke pruge nisu prilagođeni prolasku većih teretnih vozila, što dodatno otežava saobraćajnu komunikaciju i usporava razvoj naselja.

Predložena trasa puta protezala bi se od Čumurane i nastavila preko katastarskih čestica 726/3, 726/4 i 727/2 te izvršiti eksproprijaciju zemljišta na području naselja Alići kako bi se put povezao u potpunosti i time bi se omogućila kvalitetna i funkcionalna saobraćajna povezanost između MZ Branilaca grada i MZ Dolina-Alići. Ova saobraćajnica bi značajno poboljšala kvalitetu života stanovnika, omogućila lakši pristup teretnim vozilima, te doprinijela daljnjem razvoju i modernizaciji ovog dijela općine.

Stoga, tražimo od nadležnih organa da poduzmu potrebne korake u cilju realizacije ovog infrastrukturnog projekta, uključujući izradu projektne dokumentacije, obezbjeđenje potrebnih finansijskih sredstava i izvođenje radova u što skorijem roku.

Unaprijed zahvaljujemo na razumijevanju i podršci ovoj inicijativi, te se nadamo pozitivnom odgovoru i brzom rješavanju ovog važnog pitanja.

S poštovanjem,

Predsjednik kluba NES-a

Rijad Fejzić

